

Capurà, comme te vene?

(Na figliola e nu surdato)

Versi di A. FERRARA

Musica di A. CAVUOTO

1.

— Hè ricevuto 'a lettera

— Si' pazzo!

Va trova tu, sti ssere ado si' stato...

— Aggio montato 'a guardija a Palazzo
e doppo., m'hanno pure conzignato!

— Vattènne, busciardò, ca nun te crero
Tu m'è cumbine sempe 'sti servizie!

— Si parle cchiù accussì, m'offiende overo...
Io so' nu galantomo...

— chino 'e vizie!

Ma 'o capisce o n' 'o capisce
ca nu sguardo tuo ferisce?

Ch'arruina mia so' 'st' uocchie?!...

— Capurà, nun me 'mpapnocchie!

— Dice apposta o parle seria?... (*minacciando
di cavare la sciabola*)

Si no mo... porca miseria!... (*si trattiene*)

Ma te voglio troppo bene!...

— Capurà, comme te vene!



2.

— Ched'è, te si' scurdato 'e chella vota
ca fuste visto affianco 'a nuciajola
e stive jènno pure sott' 'a rota
p' 'a i' facenno appriesso 'o don Nicola 'l..

— Ma i' me voleva accattà nu sordo 'e noce,
ca songo 'a morta mia 'e cosce 'e quaglie!...

— E si tu nun te ne jve avive 'o doce!...
Chella aizaie 'o zuòccolo!...

— Te shaglie!

Dint' o core mio, nun saie,
ca sultanto tu nce staie?
quatto vote rebazzata!

— Capurà, va 'o cunte a n' ata!

— Dice apposta o parle seria?...

Si no mo... porca miseria!... (*minacciando di
cavare la sciabola*)

Ma te voglio troppo bene!... (*si trattiene*)

— Capurà, comme te vene!

3.

— E viene 'a cà, te voglio di' na cosa;
n' à da senti nisciuno: dint' 'a recchia...
na bella cosa!...

— Cavura e zucosa!

Tu nun m' 'a faie, titò! So' vorpa vecchia!

— Overamante, siente...

— Crepa lloco!

— Aggia crepà? Che core!...

Chillo 'e vacca!

— E mo nun t' amo chiu' manco nu poco!

— Manco p' 'a capa! Traseme 'int' 'a sacca!...

— Vuò fa pace?

'I' 'a fa festa!

— Tiene overo 'a capa vesta!

— Statte! E mane 'o pizzo loro!

— Guè, sciasciò, io pe' te moro!...

Finalmente nun me sfuie! (*abbracciandola*)

Teccatinne justo duie!... (*baciandola*)

Io te voglio troppo bene!...

— Capurà, comme te vene?... (*su le furie*)

Capurà, comme te vene?

Versi A. FERRARA

Musica di A. CAVUOTO

Allegro



Moderato



con grazia



parlato

